

船

政

新

書

新政新書第四卷

南京兵部車駕司員外郎倪 凍編

會計帳米

郎 中馮景隆校

工食銀兩。馬船舊夫。皆有增減。故須并舊數而會計之。糧米。舊夫皆如舊。故止計節年所省。及快船免支之數。與今募夫糧。扣算多寡。

○○先後銀數

○一查萬曆拾貳年正月起。至崇月止。買過杉木銀肆千玖百兩。其餘最少年分。亦不下貳千兩。即以叁千兩為適中。自萬曆拾貳年捌月。本職到任起。至拾伍年止。並未收買。計省銀壹萬兩。

○一萬曆拾貳年捌月起。至拾伍年止。查追過年例銀壹萬壹百叁拾伍兩肆錢伍分柒厘伍毫。

○一萬曆拾貳年捌月起。至拾伍年止。追扣過出則冒破餘剩桅價餘丁半差底心銀共柒千叁百伍拾肆兩玖錢陸分肆毫玖絲陸忽伍微壹纖。○一萬曆拾貳年捌月起。至拾伍年止。不補開船水夫。遇差方撥。逐年分算。共計叁百叁拾肆名。內支陸兩者伍拾玖名。計叁百伍拾肆兩支肆兩者壹百柒拾捌名。計柒百壹拾貳兩。亥叁兩伍

錢者。玖拾柒名。計叁百叁拾玖兩伍錢。共省銀壹千肆百零伍兩伍錢。

○一萬曆拾叁年。停折造馬船貳隻。夫叁拾貳名。調補別船之缺。省工食料價什物。共銀捌百壹拾貳兩。

○一萬曆拾叁年。免成造平船壹隻。計省差銀料價叁百叁拾玖兩。

○一萬曆拾肆拾伍年。更調各夫。自願減銀。共貳百貳拾陸兩肆錢。

○一萬曆拾叁肆伍年，減革總識貳拾貳名。每年計省銀捌拾陸兩叁年共省銀貳百伍拾捌兩。

○一萬曆拾伍年，快船人役自願先納丁銀內除見差免徵外，實先徵銀壹萬叁千壹百陸拾壹兩叁錢伍分陸厘伍毫捌絲貯庫未用。

○一減船貳百玖拾隻擇船身堅固者調換應造之船，見換過玖拾隻計省過銀捌千貳百捌拾肆兩，以後調完可共省銀貳萬貳千餘兩。

○一減船貳百玖拾隻變賣什物，每船叁兩見完銀

玖拾叁兩柒錢伍分。未完銀柒百柒拾陸兩貳錢伍分。共計銀捌百柒拾兩。

○一減船貳百玖拾隻。調換應折造之船。其應拆之船。即折料估價。抵別船正料。見抵過料價及賣植柴銀貳千叁拾玖兩貳錢。通完可約銀壹萬柒千餘兩。

○一減船貳百玖拾隻。其錨鍊重器皆留在廠。俟日後小甲缺時領用扣價。每船可約銀壹兩。共銀貳百玖拾兩。

已上除未換船隻未完什物價銀未
拆朽船未變錨鍊等項約共銀貳
萬玖千柒百肆拾餘兩未算外實
經查追節省過銀伍萬肆千壹百
玖兩陸錢貳分肆厘玖毫柒絲陸
忽伍微壹纖止于萬曆拾伍年用
賞新甲銀伍百貳拾伍兩除外實
省積銀伍萬叁千伍百捌拾肆兩
陸錢貳分肆厘玖毫柒絲陸忽伍

微壹纖

前曆拾陸年會計

查舊額夫共柒千貳百伍拾柒名。內支

陸兩者捌百陸拾捌名。計銀伍千貳百捌
兩。

肆兩者叁千柒百壹拾肆名。計銀壹萬肆
千捌百伍拾陸兩。

叁兩伍錢者貳千陸百柒拾伍名。計銀玖
千叁百陸拾貳兩伍錢。

以上共銀貳萬玖千肆百貳拾陸兩伍錢。

新支陸兩船肆百玖拾伍隻計夫柒千玖百貳拾名該銀肆萬柒千伍百貳拾兩。

肆兩船肆拾捌隻又黑樓船甲貳名共計夫柒百貳拾貳名該銀貳千捌百捌拾捌兩。

叁兩伍錢聽事貳百壹拾捌名該銀柒百

陸拾叁兩。

賞新甲伍百貳拾伍兩。

共用銀伍萬壹千陸百玖拾陸兩。除
舊用銀貳萬玖千肆百貳拾陸兩。
伍錢。共增銀貳萬貳千貳百陸拾
玖兩伍錢。

除徵快船丁銀壹萬陸千貳百柒拾壹兩叁
錢。

又自拾陸年以後每年應買杉木銀。不過壹

千兩比舊常數約省銀貳千兩。

又省追出則約銀壹千兩。

又追扣空後楂柴餘剩冒破約銀壹千兩。

又舊例每年止修造馬船玖拾隻皆冬夫自

備工食比之快船少領官銀不等。

今每年叁百隻事同一體則皆自

備工食矣。少領官銀者比前多船

貳百壹拾隻通融折筭每船約計

省銀貳拾兩止。筭銀肆千兩。

已上共銀貳萬肆千貳百柒拾兩叁
錢除抵所增貳萬貳千貳百陸拾
玖兩伍錢外尚省剩銀貳千零壹
兩捌錢

萬曆拾柒年會計

新支陸兩船共陸百隻計夫玖千陸百名該銀
伍萬柒千陸百兩

肆兩船肆拾捌隻黑樓船甲貳名計夫柒
百貳拾貳名該銀貳千捌百捌拾

捌兩

叁兩伍錢聽事貳百壹拾捌名該銀柒百陸拾叁兩

通共陸萬壹千貳百伍拾壹兩除舊用銀貳萬玖千肆百貳拾陸兩伍錢又除新徵減省銀貳萬肆千貳百柒拾壹兩叁錢外實增銀柒千伍百伍拾叁兩貳錢

原題舊例各船皆叁年壹修損多料

重今貳年壹修損少料輕每年叁百隻每隻豈止拾兩總之不下叁千兩此數未美。

○萬曆拾捌年以後皆同

○總美萬曆拾陸年以前清查減省共約銀捌萬伍千餘兩又減船貳百玖拾隻皆係應成造拆造之數約用伍萬捌千餘兩今皆省免共約省銀拾肆萬叁千餘兩自萬曆拾柒年以後每年方增用銀柒千伍百伍拾叁兩貳錢而又有陰省

料值約叁千兩未筭。然則所增者僅肆千餘兩。

先後糧數

○一萬曆拾叁年。減成造船壹隻。計甲夫壹拾陸名。調撥別船。叁年省米伍百柒拾陸石。

○一萬曆拾貳年起拾伍年止。開解不補夫。共叁百叁拾肆名。每名歲省米拾貳石。共省肆千捌石。

○一萬曆拾肆年。住過小甲安家月糧。共省米壹千壹百伍拾壹石。

以上叁年。共省米伍千柒百叁拾伍

石。並無增米

萬曆拾伍年分

陸月初壹日起增夫米百壹拾伍名。每名
月支米陸斗。至歲終支米肆石貳
斗。共增米叁千叁石。

柒月初壹日起增夫玖百壹拾壹名。每名
至歲終支米叁石陸斗。共增米叁
千貳百柒拾玖石陸斗。

拾月初壹日起增夫捌百名。至歲終每名

支米壹石捌斗。共增米壹千肆百肆拾石。

以上共增米柒千柒百貳拾貳石陸斗。

○一住過快平船小甲安家月糧省米玖百貳拾壹石。

○一省快船長差叁拾叁隻每隻行月糧壹百壹拾壹石。共省米叁千陸百陸拾叁石。

○一省快平船短差捌拾隻每隻行月糧柒拾肆石。

共省米伍千玖百貳拾石。

○一省拆造快平船貳拾伍隻每隻省餘丁幫工月糧貳拾捌石共省米柒百石。

以上通省米壹萬壹千貳百肆石除抵所增數外拾伍年分實省米叁千肆百捌拾壹石肆斗。

萬曆拾陸年分

正月初壹日起增夫捌百捌拾名每名歲支米柒石貳斗共增米陸千叁百

叁拾陸石。合拾伍年原增米柒千
柒百貳拾貳石陸斗。通共增米壹
萬肆千伍拾捌石陸斗。

○一省快平船伍百隻。安家月糧陸千石。

○一省快船長差柒拾隻。每隻行月糧壹百壹拾壹
石。共省米柒千柒百柒拾石。

○一省快平船短差壹百壹拾隻。每隻行月糧柒拾
肆石。共省米捌千壹百肆拾石。

○一省拆造快平船貳拾隻。每隻幫工餘丁月糧貳

拾捌石共省米伍百陸拾石。

以上通共省米貳萬貳千肆百柒拾石。除抵所增數外。拾陸年分實省米捌千肆百壹拾壹石肆斗。

○萬曆拾柒年與拾陸年同。省米捌千肆百壹拾壹石肆斗。

○萬曆拾捌年與拾陸年拾柒年同。省米捌千肆百壹拾壹石肆斗。

○萬曆拾玖年將拾伍年募夫壹千陸百貳拾陸名。

每名歲增妻糧米肆石捌斗。共增米柒千捌百肆石捌斗。連原增夫糧壹萬肆千伍拾捌石陸斗。通共增米貳萬壹千捌百陸拾叁石肆斗。所省與前同。除外實省米陸百陸石陸斗。

○萬曆貳拾年。又將拾柒年募夫壹千陸百捌拾名。每名歲增妻米肆石捌斗。共增米捌千陸拾肆石。連原米貳萬壹千捌百陸拾叁石肆斗。通共增米貳萬玖千玖百貳拾柒石肆斗。所省與前同。除外實增米柒千肆百伍拾柒石肆斗。然各

夫無妻者多。未必盡增。又往以內官多索快。解
每年不止于壹百捌拾隻。多壹船。則多壹行。月
糧而今皆無之。故所開減數。尚為未盡。而增數
猶未及也。

○總筭萬曆拾玖年以前。共實省米叁萬伍千伍拾
柒石貳斗。自萬曆貳拾年以後。每年方各增米
柒千肆百伍拾柒石肆斗。然無妻應減者。未筭
○謹按自萬曆拾柒年以後。所增銀不過肆千餘兩。
米不過柒千餘石。而使拾萬生靈永無流離死

亡之患亦既鉅矣而所省銀米共拾米萬有奇足抵叁拾餘年所增之數得失損益不可攷而鏡乎

各項事例已經款開在前。但機微之間未
易通曉。故次序與客問答之詞。凡五十四條

○客問減船恐差不足何如。職應之曰。舊設進京
船共捌百陸拾肆隻。而參五零肆箇月。輪壹差
則每年應差者貳百陸拾隻耳。今共船陸百隻。
而貳年輪壹差。則每年應差者參百隻矣。故曰。
船雖減而用反有餘也。

○客問差頻恐夫不堪何如。職應之曰。見奉

明旨議均各夫工食原以肆兩為準。今進京船夫一切陸兩是增叁分之壹矣。各夫所欲者銀耳。而所增之銀與所增之差適足相當。方以得差為幸。寧復以為不堪乎。即以拾年計之。使歲得銀肆兩。則拾年總得肆拾兩。修船出差之費共以捌兩為適中。差共費貳拾肆兩。所餘者止壹拾陸兩。其叁兩伍錢者止拾壹兩耳。今歲得銀陸兩。拾年總得陸拾兩。而伍差共費銀肆拾兩。所餘者尚貳拾兩。比之舊數更有餘饒。故曰差

頻而夫反獲利也。總計每夫歲加銀貳兩而壹船拾陸夫共叁拾貳兩。拾年共叁百貳拾兩而增貳差以常年食糧領工食之人增百陸拾金而加壹差豈為困乎。

○客問水夫增差者。增其工食矣。寧國夫原陸兩而無所增。何如。職應之曰。奉

旨肆兩則肆兩矣。寧國夫敢抗

旨乎。且

國初江西湖廣太平安慶皆有司造船而僉夫駕

運故有贍夫田。其資本厚。寧國以路近。故每夫
歲編工食拾兩解部。內扣貳兩為修造工料。而
捌兩給夫。比之江西等處。尚為不及。後經題
准。江西等處將工食料價。徵銀解部。其數漸減。至于
肆兩。與參兩伍錢。而寧國乃減止陸兩。視他處
反優焉。是非

國初本制矣。

祖宗立法。餼廩稱事。斷不使近者反厚。而遠者反薄
也。且通融支放。遇差全支之法行。每歲所免。獨

債子錢亦足以當增差之直矣。

○客問兩年壹差陸續撥給陸百隻固足矣。然使一時用船在陸百隻以上。則何如。職應之曰。每年陸續撥船叁百隻。猶不可堪。一時而用船在陸百隻以上。此何等時乎。且今依期序撥。數月而猶未應差。若一時而欲盡用之。非轉益流離。則逼之亂耳。

國家萬萬無此時。即有之。方賴其多貳百壹拾隻。雇募可用之船。不見其少貳百玖拾隻原存之。

數也。

○客問拾年在伍差之外何如。職應之曰。凡吾所為。在以參差為伍差。而人不苦。以捌百陸拾肆隻為陸百隻。而船不缺。如是而已。若以陸百隻而拾年不止于伍差。則捌百陸拾肆隻拾年亦不止于參差矣。與其困無辜之軍丁。孰若勞受雇之夫役乎。嗟乎。使

明儉德日彰。即陸百隻而猶有餘。使

制度日廣。即壹千隻而猶不足。是豈臣子所

亦必也。斟酌損益。是又在後之君子。民為邦本。吾所知者此耳。

○客問快平船留用募夫者。止貳百壹拾隻。而編丁徵銀。復以伍百隻數不相合。何如。職應之曰。減船省募夫之費耳。原船伍百隻。編銀壹萬伍千兩。本不足用。皆由通融調度。以足其數。安能相合。若減去貳百玖拾隻。分增于貳百壹拾隻之內。各編每船夫甲應支銀兩之數。使所募船夫對號支計。則不惟分派之間。反生弊端。而亦

恐出銀之人終為官役所制。不如混而無查之為妙耳。蓋派丁徵銀之船如民家田畝募夫出差之船如有司差役原不相蒙不必其相合也。○客問既以伍百隻徵銀貳百壹拾隻應用矣而又兌換馬船以足叁百隻之數者何也。職應之曰馬快平船樣式雖不甚相遠而亦稍有不同。馬船上高而下淺密艙而狹旁。便于乘座快船上淺而下深艙疎而旁濶。便于裝貯而平船無樓。蓋裝運竹木之具也。舊額快船肆百壹拾伍

隻而拾年參差。則每年應差者壹百貳拾肆隻半而已。平船捌拾伍隻而拾年參差。則每年應差者貳拾伍隻半而已。今貳年壹差而快船足貳百伍拾隻。平船足伍拾隻。適與原數相合。中貴亦無所藉其口矣。

○客問快平船既足參百隻之數矣。而又彩畫周身。改換尾艙。復似馬船。何也。職應之曰。此為開津棍惡而設也。快船所至地方。惡少百計詐害。謂之踰船棍。而馬船則不敢行法之初。各夫尚

慮于此。故從而增飾之。以慰人心耳。上艙下底。週圍殿堂。凡乘座裝貯之處。悉仍其舊。止增其華彩。而益其堅固。所謂快平船之用。則如舊矣。○客問減船貳百玖拾隻。虛棄可惜。何如。職應之曰。凡所減者。皆其朽爛不堪。已當拆卸。及原已拆卸。號存而船無者也。所留貳百壹拾隻。已盡選其新造堅固者矣。其餘原非上等。稍堪者。抵換馬船。而省其重造之資。應拆者。拆料估價。而分給各船之用。其號存而船無者。則原無船可

棄也。此舉並無寸板隻釘之費，而反獲換船變料之資。又節省數多，故曰：催夫而費更減也。

○客問快平船工料比之馬船，原為稍減。今所存叁百隻，既仍照快平船式，則工料亦宜照等遞減可也。而悉從馬船之數，何如？職應之曰：馬船式樣原勝快船。舊因中貴圖快船之利，每以制度不同為辭，故仍足快船應差之數，使其無所藉口。若數年之後，人心既定，未必不盡欲馬船矣。議減于今，而復議增于後，祇多事耳。況今日

衆夫洶洶。皆不樂于快船。即以此稍優之。亦人情之一端也。

○客問快船係肆拾衛之差役。而今募夫事體。悉屬之江濟貳衛。何如。職應之曰。是即

國初之意也。馬船原係湖廣江西太平寧國安慶之差役。尚屬江濟。况肆拾衛皆京輔之地。又何為而不可。昔有分屬。故各衛官自行管理。今既合一自應總屬。非江濟而誰歸哉。况

國初江濟所管馬船共捌百壹拾柒隻。水夫貳萬

叁百陸拾貳名。今大小馬船并快平船共陸百伍拾隻。水夫約壹萬餘名。視

國初猶為未足也。

○客問快平船募夫既屬江濟則修造宜并歸之以見今馬船廠為江淮船廠快船廠為濟川船廠革去快船之名豈不安妥而復留快船廠且使夫船分屬二處何如。職應之曰此微意也快船之名敢遽革乎。今之以國泰民安風調雨順而易舊編字號也意已寓乎其間矣。且改撥船

廠為快船廠是

郭堂翁之題

請也。

顧堂翁上疏之時

郭堂翁尚未離任。所議者未見可否。而遽更前日所請。即大旨無異。人且疑之矣。若各夫向皆隨縣而修造。又隨船。夫船未始不分屬也。數年之後。事體既定。當有妙悟而潤色之者矣。

○客問編派丁銀。恐有騷擾何如。職應之曰。計人

派丁則擾矣。今所計者力耳。人多不增。人少不減。入名在冊者。永免別差。不在冊內者。聽衛差撥。見今衛所差使。無輕于快船丁銀者。人方開報之不暇。故一月而事集。並未見其擾也。

○客問見今伍百船。其家力貧富亦甚不同矣。乃不通融裒益而止。據原號各派銀叁拾兩。何如。

職應之曰。物之不齊。物之情也。世豈能使貧富上下。無秋毫之失序乎。快船之害。審編為第一。徃以數官分任。猶不能定。今大舉更張。群奸之

所切齒。而獨職一人。身縶其事。使通融哀。審編何異。恐弊端叢出。而事終不可了矣。每船參拾兩。力優者。固是有餘。即力詘者。其所減省。亦既倍蓰于往日矣。已又補之以聽繼。助之以水夫。自是充然。人生使自蘇息足矣。何必與有餘者論分數也。拾年之後。就其極貧極富者。而間一酌量。則錄中大意已備。臨時妙用。是在後之君子。

○客問貧人朋丁納銀。恐其不願。何如。職應之曰。

衛所餘丁。無壹人不差者。最輕者。莫如守宿夜巡。歲猶出銀米捌錢。今此輩或以貳人朋壹丁。則每大所出。不過壹錢伍分。參人則壹錢矣。而寧有不願者乎。

○客問貧軍既不出銀。復附名冊後。何如。職應之曰。是亦免其別差之累也。不在此冊。則衛所之差。終不可免。此輩原以船差所累。積困至今。附名于冊。銀差俱免。蓋所以優之耳。拾年之後。或家力稍裕。仍酌量派丁。永為本船之助。

○客問快船差銀已極輕省。恐人皆投入。則別差
苦何如。職應之曰。此所以有職方司驗過別
差。不許混入之禁也。衛所各差原有分認。其臨
役捧扯者。弊也。往者不可追。一以見在為據。其
有彼此干連者。酌其重輕。而各自歸一。載在方
冊。世無相扳之患矣。寧以船差吾所事事。而遂
不念及于他差之人乎。

○客問拾年造冊。貧富相安者。既無增減矣。而人名
增入何如。職應之曰。是亦免其別差之意也。

快船丁銀。世世相守。而使子孫為別差所奪。是重困之矣。見今行法之初。恐人未通曉。故凡係快船冊內。真正子孫。而未經入冊者。衛所俱不許別差。至下次造冊。通令報入。如下次再遺者。方許別撥差使。

○客問丁銀收解。似宜付之衛官。乃立收解之人。何如。職應之曰。衛官收解。能保其不侵漁乎。各家星散。委官到鄉。逐一查催。能保其不騷擾乎。且拾年收解。即寓拾名甲役之意。使本役錢糧。

不完。次年即以此役為正甲。餘玖名為替甲。在冊各丁為餘丁。領船出差則人心恐懼。各為早完之計矣。夫恩所以濟衆生。而法所以齊衆志。慘衆自我。孰敢奸之。不然則渙散而無統矣。

○客問衛官恐其侵漁矣。倘收解侵漁何如。職應之曰。收解委之各役。而查催責之衛官。稽遲無利于衛官。而早完可免于部比。彼此相制。豈致侵漁。况領解之約具在。彼寧舍生而趨死乎。且每季錢糧不及捌兩。而收解類多有力。即有意

外之變尚可賠償。猶勝委之窮官之手也。

○客問立收解誠善矣。恐有貽累。何如。職應之曰。此正所以杜其貽累也。衛官侵欺。而捏開未完。私增秤頭。而加派火耗。豈一朝一夕哉。且由票之法。已極精詳。必無拖欠之理。況壹年收解。即是壹年正甲。往賠百金而不足。今雖悉行代納。不過叁拾金也。往者經年往來于數千里之外。今遠者。不過淮安也。向凡正甲出差。未嘗不科歛各家使用。今官票徵收。而反稱不便乎。

○客問雇募錢糧。據錄內會計之數。似為有餘矣。然或各省工料銀兩。徵解不全。各衛快船丁銀。又多逋負。何如。職應之曰。各省工料。原是舊徵。已有查叅之法矣。今之新徵者。獨快船丁銀也。故意負欠者。使之出水。力不能完者。令其充夫。何患其不足乎。按季催查。是在後之君子。因循廢弛。而徒議立法之不善。非職所敢聞也。

○客問各衛窮軍。蘇息已盡。而衣冠之士。未蒙優免。何如。職應之曰。是不得已也。有司槩縣總筭。

故易于分派。船銀每隻叁拾金。此免則彼增矣。且今據原差人數而派之。凡衣冠人等。皆向充正甲。一船之領袖。而使盡從優免。則貧軍益困矣。京都之內。名色甚多。希冀紛紛。事何得杜。拾年清冊之時。鄉荐已上。則除其名。或令自報空閑朋補。或報義男充夫。所以優之者。未嘗不在也。且子孫世世優免。則可。不然。則求入快船冊而不可得矣。近有生員貳人。以祖曾登第免差。自陳其曾祖以上。原係快船。而告求入冊。此誠

守法而知幾者。然以行法之初。尚未入別差事。故得準耳。有一春元者。不求免而多派丁銀。倚歟達矣。

○客問派丁編銀。既無田畝糧籍可憑。宜從容詳審。而嚴限速完。似嫌于迫。及各役依期開報。復行各衛查審。而各衛又鮮所變更。何如。職應之曰。是所謂事機也。人苦不知足。得隲又望蜀。事久則弊生矣。向者快船出差。則小甲遍派各戶。以備使用。其間原有等第。方人心踊躍。天理胤

事之時。尅期定限。則爭先報完矣。况派丁之人。載名在冊。虛實完欠。動輒相干。彼寧肯輕富重貧。以自貽後累乎。催徵比較。責在該衛。使悉由甲役。而官不與聞。將有諉其失于上者。衛官方切齒于此舉。其所更易。未必盡公。摘發而懲創之。衆心自懾。故官甲相信。事不煩擾。而責自不可辭矣。

○客問此舉。與民家條鞭相似何如。職應之曰。是則不可同日語矣。盖民家條鞭。利者什九。而累

者什一。徭役輕重。何啻天淵。上差下戶。原不相及。乃隻丁升米。一例派編。是貧與富為資也。履畝起科。而大商巨賈。一無所問。是農與商為役也。軍家快船。上者身亡家破。而最下者。亦歲辦銀伍錢柒分。今上者不及拾金。而下者。或壹錢。或空名寄冊。永無衛所之擾。是貧富兩利之道也。且條編所派。皆有恒產。而此則尺籍窮軍。多無宿粒。其所派徵。不足以當所用之半。與量出為入者。難易又徑庭矣。

○客問建議者。謂各船悉照其舊。止分馬船夫之半。使領快船。可足米百貳拾捌隻。所少壹百叁拾陸隻。亦止募夫一半。則止應募夫壹千餘名。所資月糧。不甚相遠。而各夫工食。仍合每船拾陸名。每名肆兩之數。則銀數亦畧相當。仍舊叁年壹差。是亦可行也。而竟不從。何如。職應之曰。此職初議也。他人見亦相同耳。再思。則知其難矣。船身有美惡。而各夫之包封有重輕。惟減船。則留用者皆堅美。而包封皆輕。使分船。而以輕

易重。人將何堪。况舊夫工食原有三等。若欲扣合每名肆兩之數。則孰增而孰減乎。又况減船頻修。固節省之一策也。

○客問雇募人夫。恐其脫逃。何如。職應之曰。節年逃者。皆快船之甲役。而無馬船之夫。何也。快船之甲。逃以避禍也。馬船之夫。逃則失利矣。兩年一差。而無差之年。亦通支銀米。彼寧不忍壹年之苦。而冀次年之利哉。遇有死故。即有頂補。雇募原照馬船之例。非創法也。

○客問不減船。不增工食。而多募新夫。與減船而增舊夫。工食損益何如。職應之曰。此易見也。新夫壹名。銀陸兩。舊夫止增貳兩。則壹人可當叁人。而又無壹人之糧。此所以減船而增工食也。○客問節年水夫。臨差方補。閑船並不混收。固為節省矣。快船召募。一時而招叁千餘人。又先將衙門人批收。何如。職應之曰。此正所謂苦心之極也。萬曆拾肆年伍月。

命下。馬船水夫。未知增銀之議。止聞快船減十分之

六疑其獨繫馬船而一切奸宄不逞之徒捏造詞說以疑其志而激其怒數千人譁然而起時戶部方散夫糧竟無壹人往者或言宜急出示以安衆心職曰業已籌此各夫眼不識字而奸徒鼓簧其間即言之諄諄彼必以為誑也事在呼吸寧得以空言立散哉欲安舊夫須使人投充新夫欲外人求充須自衙門人始惟衙門人知為夫之利而外人視衙門人以為趨向也兩堂翁甚善其策職即召本衙門人諭意皆

然求批。是日各將子弟。批發貳拾肆人。舊夫稍
息。次日各衙門人。皆以子弟告批。復批貳百餘
人。伍日而衆逾叁千。即出示停止。猶不能已。舊
夫惟恐見革。即往戶部支糧矣。然皆報名在冊
耳。至收糧領工食。則直至拾伍年陸月為始。以
漸開支。至拾陸年方盡。此即臨差方撥。節省錢
糧之意。蓋未嘗有一粒一錢之濫用也。

○客問工食通融支放。戶籍不同。何如。職應之曰。
必某縣水夫。而後可領某縣工食也。則凡各縣

派有柴直者。必本縣官員。而後可領乎。況今召募人夫。未必皆係原籍。則將無所支乎。其它疏題已悉覽之。自當了了。

○客問出差全放。恐有它故。無以制之。何如。職應之曰。他故最大者。至死止矣。舊例死者。猶容妻兒告領。查明補給。固未嘗少之。乃當予而故靳。行查而復補。祇為胥吏資耳。或曰。恐其脫逃。則前辦已明。彼所繫戀者。無差之年。所支銀米耳。若止本年。即不全放。亦不足以繫其逸足也。

○客問見食糧水夫止許親子孫入冊聽補而快船冊內編丁人數許即收充水夫又許空閑人入快船丁銀冊內幫丁充夫者何如職應之曰快船丁銀本無辜之累而入冊夫役未必皆祖役之人職之意不欲使遊手者冒水夫銀米之利而無辜者貽輸納不足之憂耳水夫歲支工食銀陸萬餘兩而米約拾叁萬石乃快船所納丁銀僅壹萬伍千金使以水夫叁分之壹為快船人所充則可以使快船各戶世世無窮民尚

何輸納之不足乎。有力者欲免累。不催而自。無力者。既充夫扣之而有餘矣。語法至此。亦庶幾所謂左右逢其原者歟。

○客問驗船不多委官役。恐把總扶同。何如。職應之曰。各官鑽求委用。其心豈真欲除奸剔蠹。竭力公家耶。祇令各甲多分例幾倍耳。把總舉刺所關。分委他官。反使得逃其責矣。等則高下由損壞多少。據冊抽驗。尚有可憑。不猶愈他官之口報耶。要之此事。不能無弊。但使弊少。害蘇。則

善矣。若曰：京曹不宜自苦，利實不宜盡塞。食君祿而當晏安，縻民貲以悅群小，非職所敢知也。

○客問木價由該廠自定，恐有私意，何如？職應之曰：價有定額，據籍可知。而丈尺疵病，則無定形，數淆難驗。使該廠有私，則先于丈尺疵病處，上下其手矣。而顧私于價數，以待上之覺察耶？且舊所雇募，美識又非該廠人，役而誰？徒縻工食，重困商人，欲自以為明，而適為奸人所竊笑也。

○客問楠木價不扣留，恐鋸有麻腐，虛縻何如？職

應之曰。此正所以杜其虛糜也。量木之法。懸去頭尾。減折疵病。皆有定額。向因楠木不足。往往額外召買。例皆連其頭尾。免其疵病。卷查自萬曆元年起。至拾叁年止。以扣留而減者。凡伍百柒拾伍兩。以召買而增者。凡柒百壹拾貳兩有奇。虛糜果安在乎。况召買即抵後次正數。以致時常缺乏。遲悞船工。免扣留而增派數兩利之道也。

○客問治道去其太甚。乃盡舉而更張之。何如。職

應之曰。船政之害。豈特不調之琴瑟而已乎。勢窮理極。而猶欲以補漏救弊之法行之。祇益弊耳。況不費斗粟。不勞壹人。順民之欲。而竭吾之才。所驚者庸人之見。而所傷者。奸人之心耳。是亦安足計也。即今群小側目。中傷萬端。寧有訟言法之不善者乎。且事體相聯。勢不容已。譬如棟礎既更。則椽題椽壁。自須一一修理。當事始知之。

○客問左右之毀。古人所驚。鼠穴盡塞。哲王攸戒。頌

事未底績而先裁革冒濫杜塞利竇以驚奸宄之心何如。職應之曰。事以錢糧為急。會計錢糧不得不先于此也。其更調各夫寓節省之術也。其盡塞諸弊慰各夫之心也。各夫方以減快船為疑。又以調工食為疑。而使支領之困猶未前日。則止見其可疑而未見其為利矣。故通融支放。遇差即給。領木無費。出則無追。查盤無弊。使衆心共信。曰。即有裁減。此猶足以勝彼。故紓徐以觀吾之成。及其工食既增。前弊又革。然後

孟信新法之為便矣。且預處壹年錢糧以給新募水夫之工食。使本年所納丁銀皆供下年之用。則可以稽其完欠而行欠銀領船之禁。以束縛之。不然隨納隨支。事亦無可稽查矣。凡職為此寧願一身之利害哉。

○客問事主于節省矣。乃工食反增。而商人之料價。船甲之等則不聞議減何如。職應之曰。此其所以為節省也。凡節省者在汰其糜財之人。與塞其為奸之竇而已。若工食料價等則之類。必

更從優而後可以行其節省。况議減乎。減之則後日之害從茲始矣。識治體者當自辨之。

○客問半差互有增減而底薪類多從重何如。職應之曰。半差事體原不相同。故酌量而增減之。船之損壞多由工料草率。故稍重底薪。使知所警耳。至于事出非常者。則悉仍其舊矣。非黃河之內。未有漂沒無跡者。失火必延及同艚。遇水火大變。運官錢糧不能獨存。即回南空船亦必有同艚保結。是則不可不辨耳。

○客問長差較之短差多守伍月而多願官銀米兩
陸錢則每月計銀壹兩伍錢耳乃不滿壹月者
追銀叁兩何如。職應之曰因其义候故撥好
差又多給官銀而竟復早歸是以名爲市也且
人皆效尤如立法之意何不陪追奚以示懲哉
○客問長差不守候者既陪追以示懲矣乃六及到
京者又止照數追償何如。職應之曰船不抵
京非各甲意也勢無可柰何耳且有半差底薪
之徵矣而復法外陪追人將何以堪其命乎。

○客問長差原于上下半年。差官查驗而今陸續撥發不復差官恐船不聽守難于查驗何如。職應之曰。此事前後得失揭帖已明。往第無加之意者耳。次序循環數常不乏。勘合查限。棹在北司。乃掌握之內。不自憑而憑一差官之力哉。向來差官其虛文與實事可考鏡已。長差之船依期守候者有幾。若北司先期發回。又豈差官所能制也。參將卯酉橫多事耳。免朔望之卯酉而查回南之勘合。豈非法簡而弊自除者乎。

客問此舉蠲免者以千計。節省者以萬計。而蘇息者至不可美。乃楂柴錙銖之細。仍前追扣。何如。職應之曰。事惟求其至當。奚論多寡。法惟求其無弊。奚論人已。積逋難完。則蠲免濫用無度。則節省人不堪命。則蘇息楂柴之在各甲。原不為苦。而又公用所需。有其因之何必于免。且留此足為後人寬恤之地。必欲使恩自己出。而使後來者無所措手。非至公為國之心也。

○客問節年拖欠出則等項銀兩。自萬曆捌年以前。

查免共伍百餘金矣。今又自未編丁以前所欠并未完年例而盡蠲之。似于濫免何如。職應之曰。見查一切未完共肆千叁百餘兩。半係出則而半係年例。往之年例即今之丁銀也。每年新派丁銀壹萬伍千兩。而又可復追其夙負乎。出則之多。皆由積弊所致。往年追呼四出。其解部者幾何。徒為委官利耳。自職立查扣之法。既無絲毫拖欠。立總單之法。又無絲毫出則。自嘉靖年間。通查至今。連前

題免。及今未完。僅共貳千伍百餘金。此皆向來所
未有也。民間力既不堪。而部中事已更始。徒忍
不能決。何歟。

○客問新甲多給銀伍兩。似于濫予。何如。職應之
曰。省也。非濫也。亦勢不得已也。例貳年壹差。先
年收糧。即領工食。今新甲方苦于畏難。而使一
槩給領。無以示恩。故各夫工食。皆臨差之年。開
支。而獨賞小甲。則彼視之。為分外之獲。而欣然
應役矣。實省銀壹萬陸百陸拾伍兩伍錢。而非

為壹千貳拾伍金之濫予也。小人愚而勢不得已也。夫役之利頗饒。惟以得充為幸。鼓新甲之志而未嘗傷各夫之心。是又與剋減為節省者。不可同年而語矣。

○客問變審力減船數于

祖宗之制何如。職應之曰。馬快貳船。原係進征之具。

國初仍其便而用之以進貢。非謂進貢所用。分馬快二船也。且

國初馬船用夫。而快船用軍。養其身而後用其力。未嘗累及于無辜。自變為審力。而累及于無辜之軍餘。始非

二祖之制矣。凡今所行政。以善述

二祖之事也。大小馬船。原捌百柒拾壹隻。減而至于肆百肆拾隻。快平船。原捌百隻。減而至于伍百隻。減船非自今日始也。且昔者快船減。而差數加增。則軍困仍舊。馬船減。而工食仍舊。則夫困益增。今易審力。而為催募。則軍困盡蘇。計差數

而增工食。則夫力不困。故曰。今之減與昔之減。異矣。且事皆奉。

旨。非小臣所擅行也。

○客問此書不早刻。以安人心。何如。職應之曰。是難言也。快船之戶拾萬。散居千里。馬船之夫捌千。共聚一方。貳百年之積習。糾纏參錯。數千人之怨望。鼓惑譸張。若早刻此書。則奸黠者且造為無端。而指其瑕繆。熒惑人心。益在于此。一事不妥。則百謫交萃。身辱而事償矣。故職常面語。

諸人曰。使法不便者。即集衆廷訢。當虛心以改。然後人情無恐。而吾乃隨機酌量之。故令出則行。而邪說莫動。然後筆之于書。以垂永久。此書未成之時。夜卧何曾帖席也。篝燈擁衾。窮思達旦。有所得。則起書片紙。粘之壁間。四壁皆滿。夫示之以一毫無所着。而出之使一定不可移。真凜凜乎朽索之馭也。只今頭顱。毳毼白矣。

○客問。小人不和者。恐有變更。何如。職應之曰。此必不能。蓋克夫趨利者萬人。聚不可散。蘇息避

害者拾萬散不復來。且自古議法。未有純乎無
弊者。惟利多而害少。則從之。及其既弊。輒為人
所藉口。乃若此法。則有利而無害。數年之後。輸
納之計益便。而小人之心漸平矣。

客問派丁貧軍充夫。恐預措包封不便。且充夫爲
丁銀之助。而極貧者未必盡得。各船亦未必盡
均。何如。職應之曰。包封許扣支庫內工食。何
憂其不便。職於快船人校夫詞狀。先儘其貧不
派丁者。次儘其丁數最少者。又劑量各船人數。

亦可謂盡心焉耳矣。但貧軍不下數萬，而夫缺不及壹千，且赴告者又多不齊，其貧者不盡得，而船數不盡均固也。然拾年之內，下銀有缺，許于克夫人酌補。下次造冊，許其量方增丁。各船丁銀，又許以羨補不足，則貧人無不蒙其庇，而其事未始不均矣。蓋克夫者在壹船，則爲壹船之利；在伍百船，則爲伍百船之利，不但壹人之私也。諺云：同船共命，正謂此耳。

○客問快船派丁人克夫者，混撥大小馬船，何如。

職應之曰。馬快平船。事同一體。必使夫無分別。而後事始合一。故快船之夫。先儘馬船舊冊夫。餘而快船人丁。撥充馬船夫役。彼此渾然。並無分別。方成一體之義。不然。分船分夫。恐終成兩家。數拾年後。未免有意外之弊矣。此長慮却顧之心也。

○客問應募者市人耳。既非祖役。又無丁銀冊。末撥船不及。即宜停罷。而復留之聽補。似於姑息。且使舊冊夫餘。急不得補。何如。職應之曰。此亦

所謂事機。而未嘗不出于至公也。快船先儘舊冊夫餘。凡壹千餘名。今應募候缺者。不及壹千。而又係馬快兩船無用。是猶不足以償其半也。且外無可用之人。則人將制我。下多待命之衆。則我可制人。去年江濟招募新夫人。言內有老弱者。請職督察之。職咲而不答。乃叁日數足。而舊夫貼然。即此意也。夫事所難者。一時之人情耳。徐察而潛消之。則米寸之管可定矣。

○客問快船以流離顛沛之苦。而改爲徵銀。又以拾

萬餘金之費。而止派壹萬伍千兩。今又使之投
充水夫。既除其害。而又增其利。毋乃仁之過乎。
職應之曰。父母之於子也。所以保護而撫愛
之。豈有限量哉。經曰。若保赤子。又曰。撫士卒如
嬰兒。力苟可爲。何嫌於過。且獨不念此輩貳百
年之苦。又他人所未有乎。古云。成大事者。不惜
小費。不計小害。又云。一勞而永逸。今無一勞而
有永逸。無小害而有大利。無小費而有省。而
顧謂仁不可過。乃靳之而弗爲乎。

○客問分定職掌。恐議其僭。何如。職應之曰。源清則事簡。事簡則弊除。且往以船政爲苦。差畀之新任者。職守茫然。而業已告代矣。後係註選。事干責成。而猶可泄泄如故乎。曩者

傅堂翁灼見事體。欲爲職建一分司。而職不可終不以身畝糜公帑。人惟患官之或曠耳。業非長子孫寧復藉曹事爲重輕哉。

○客問船政事。往者皆言欲爲壹分之賜而不可得。乃今樂利至此。且人之所必不爲。而獨爲之。豈

將以自見乎。職應之曰。以自見爲疑。則奉公者沮矣。職之抵。

留都駕曹也。曾未匝歲而快船軍丁所報自盡及舉室流離。逼鬻妻女。折賣房屋者。業已數拾。每一念之。寢食俱廢。苟可以救庸計其他。且始之密。請欲恩出于上。而人之不我知也。繼之草疏。以時當攝篆而職之不可諉也。終之任事以奉有。

明旨而義之不可辭也。若身創其議而委勞於人。非。

惟人不能堪。亦恐意見不同。反至憤事。則將以
前事是。妄矣。職不足惜。如

堂翁何。士君子修身砥行。隨事効忠。凡以求慊
吾心而已。藉一節以希有聞。下士所深恥。而職
乃顧之乎。

因革緩急前後異宜。或在今不可遽行。而
在後所當損益者。敢殫愚衷。敬貽忠告。凡
六條

○一快船丁銀。已極輕省。而本職所以計計之者。又
極周悉。恐拾年之後。生計日蕃。未免為他差人
所忌。而衛所樂于紛擾。畧一板動。則漸致蕩然
矣。故今特

題奉

旨。永不許別差板擾。後之賢者。如遇別差告板。須念此輩貳百年困累之苦。又念吾黨三載經理之勞。堅守成規。毋為輕動。是省事安民。純心為國之道也。

○一快船之人。既不許別差板扯。則亦不可自扯別差之人。倘有事故。只應在本船內照例處補。不可告入空間餘下。雖奉本司批查者。亦須備查。並無別差粘帶。方與執結入冊。如貪多輕入。反為別差人所藉口矣。語曰。安分者享福。一語也。

也。其授丁充夫之例已經停止斷不可復開。今不早授者後悔當無及矣。

○一充夫之利惟城中人知之而江北則向所不識也。見今城中快船人丁授充水夫者已多。拾年之後將無不授充者矣。江北人終不慣此恐法外之利盡為城中所擅非大公之心也。清審之時如江北丁力消乏不能足前叁拾兩之數而又無充水夫者會而通之亦在後之君子。

○一收解日久必至于多收秤耗衛官日久必至于

差使收解。由是收解衛官。相倚為奸。而指稱科派之弊出矣。防微杜漸。蚤拆弊萌。後來者。不可不加之意也。

○一朝廷差使。非臣子所能必。萬一

上供日益。拾年伍差而不足。則有植柴包封貼接卷事。可以漸議。蓋植柴之扣。已為美盡于秋毫。故寬一分。則民受一八之賜。而各夫又有包封之助。即舊職掌所刊自備工食銀若干兩者。是也。若本部全數實給。則各夫免出包封較之往日。

所省幾半。差雖多而人不以為苦矣。舊例小甲
臨差告領貼接銀長差拾肆兩短差陸兩肆錢。
于此量增則無賠反之患。包封各夫之所費貼
接小甲之所資一免一增。夫甲各蒙其惠矣。然
小人貪得無窮。

國家錢糧有限。使拾年不過伍差。或偶有增益而
不為常例者。慎勿輕議。詘。

國計以市私恩。此人臣之大戒也。萬一時勢異常。
轉運不給。雖議三事。而人猶不堪。則酌量增造。

照例募夫嗟乎。此非忠臣所忍言也。

○一快船所編銀兩。已爲極輕。初職面語派丁甲役。令將極貧之人。俱免編派。而各甲計較錙銖。忍不能割。恐此輩完納違期。未免貽累收解。後遇造冊之年。必須會同收解。酌量明白。如果極貧。而又非正軍。及充水夫者。不若通開免派項下。而丁銀派增有力之人。則所增者。不過分厘。而貧人安其養。收解省其勞矣。夫有力之家。未有不充收解者。此正所以自爲耳。然智者當自辨。

官司固不得而強之也。

凡二十條

此事倖而獲成。實非鄙劣所能辦也。

廟堂主持于上。

堂翁保護于下。而職因得以竣事。否則事未成。而禍先及矣。人情事體。聊記于後。

○一船差關於

上供。人情沿于積習。叢群小之怨。以拂中貴之心。便須將利害贊毀。一切置之度外。人生未免有情。亦復誰能堪此。

○一各廠把總及掌印指揮其間賢而宣力者蓋有之矣。至以妨已見惡者則甚多也。若中貴前站經手。各所委官及修造委官。各船總甲。廠衛識字。商人。舖戶。牙保。吏書。班隨。門皂。及各衙門聽事。各役。積年包攬。放債富家。皆所不便。蓋船政係留都弊藪。奸宄之所藏。每年蠹魚其間者不下萬人。而一旦盡去。寧無鞅鞅。且黃船之編審修造差撥。經該衙門凡六七。一應官役及包攬射利之人。亦復不少。惟恐快船事成。則黃船

得以比例。成否所關。獨職一身而已。小人之心。何所不至。

○此法之行。實快船。人之福。然其間有力者。向多夤緣交結。或竄入衙門。並未有充前後者。今一槩編丁。不以為德。而反以為累者。亦或有之矣。

○人心類不知足。留都玩愒成風。向者領船一年。類費一二百金。又不免于風波勞役之苦。今有止派丁銀一二兩。而復央求減免。至動聲色者。

收解即係小甲。蓋已十省其九。而又有欲并收解而俱免者。造收解貽累之說。而簧鼓愚人。預造募夫冊。所以安舊夫之心也。而惟利是趨之徒。輒欲將所報夫數。預收糧銀。一有不從。即開然論說。曾不計錢糧之所從出。彼皆所稱蒙恩者也。而尚如此。他可知矣。

○肆拾餘衛。比于小甲。小官員動以千計。而又皆其心之所甚不欲。郎署威令。孰與撫按。武弁志操。孰與有司。舉刺之。

肯適以增其疑忌而已。

○一凡舉大事者。未有不用錢糧。而左右或乘之以為利。故亦樂于從之。今惟以心思計慮。塞人利。孔子筆削之間。承委應役者。晝夜勤勞。而無錙銖之利。積年當事者。機巧盡絕。而罕衣食之資。欲其奮發効勞。胡可得也。

○一奸人市利。巧為鼓簧。即如調船之法。極為便民。乃初行之始。委官謹然。以為厲下。而各甲亦稱不便。即職亦自疑之矣。及各甲正身赴部告明。

至欲拳毆前告者。而始知前告者為包攬也。蓋拆造則委官有分例銀拾兩。而包攬乘之以格赴耳。如此之類。豈能盡數。

○一非常之原。黎民惧焉。如裁減快船之

命甫下。而未見實際。人孰知增馬船之銀也。補夫之禁方嚴。而忽行批收。人孰知安舊夫之心也。既經召募。而未即開辦。人孰知錢糧之有會計也。及至着船。又先看舊役。人孰知事體之有慣否也。快船之名。人所共畏。孰知新法之無碍也。各

夫之船。向自相傳。孰知更調之有利也。天下皆以編丁為擾。孰知入冊之為福也。快船愚民日用而不知。馬船衆夫懷疑而未定。左右鼓惑之于上。衛所沮撓之于下。群奸扇動之于外。是可指顧而定乎。

○一派徵銀兩。曾不及所用十分之三。未免三于節省。即委曲調度。自使人無失所。而小人胸中有物。未事先疑。千人一心。百端撓沮。積弊如此之久。事體如此之難。頭緒如此之煩。地方如此之

廣人戶如此之衆。行法者一人。而撓法者數千百十。掣肘苦心。豈口舌所能盡哉。

○一諸弊積習二百年。而衛官才識有限。即日者以派丁事。一官帶數人來見。與所行條格。茫然不合。職詰之曰。如此則須加派銀若干。却更困之矣。此官即回顧其人。言曰。部司分付加派銀若干。其人亦應聲而曰。急追而細告之。方頻首曰。衛官言向不如此。問何以不觀部示。曰。目不識字。嗟乎。利其行者皆愚民。而利其敗者皆奸宄。

奸足以沮法而才不能奉法。欲法之行難矣。

○一船政廳舊所司者。竹頭木屑之細而已。又皆受成于正郎。今事當始。規模之所肇。而反使副貳為之。一切卷籍皆非司存。又本廳止書手貳人。諸事素未諳習。乃呈請

堂翁批借正司書手。使之承行其事。竊猛之間。將何以為政耶。

○一黃船原非職掌。而黃船衆甲欲職越俎而治焉。職出疏稿示之曰。已為若附題得。

晉書卷之四
轉行該衙門矣。但職掌則不可越也。小人不惟不
感而反生怨。又忌快船之獨逸也。惡其成而倖
其敗。豈叔季之世。人情固如此乎。

○一人心不同。有如其面。群小沮撓無怪矣。快船人
戶。惟恐一日之不行。而意指殊歸。異論蜂起。職
于是大會父老。及衣冠之士于朝。天宮令其各
陳所見。極言無隱。久議既畢。而職乃出袖中稿
遍示之。要皆稿中之緒餘也。于是始無敢議。法
者不然。幾何而不為道傍之謀哉。

一舊例快平船每年壹次編審新船應于萬曆拾柒年為始初擬拾肆年行事至拾柒年可以成功未及查見存舊船之數也既題之後方查船數向因內臣越例多討多用壹年故

傳堂翁復題當以拾陸年為始已甚促矣不意朝廷忽有額外之供舊船一時撥盡空懸兩年計船約伍陸百隻舊法既不可復行而新法又方在酬酢將欲已之則業已奉

旨將欲亟之則人盡茫然况時當大計姦徒睥睨乃

以參月之間而成參年之事。變貳百年之法。而安拾萬人之心。憂疑勞苦。豈筆舌所能盡也。

○一職至愚極矣。素非處世之才。而血指汗顏。強効鉛刀之割。衆已詫其不量矣。且更張之初。人懷疑信。而都會之地。法難必行。即如丁銀有多寡。收糧有先後。充夫有去取。收解有出入。調船有高下。撥差有美惡。一派丁也。始則本差之人。尚用計以避。既則別差之人。且用計而來。一校夫也。始則食糧之人。聲言欲出。既則合京之衆。無

不願投本戶充夫以爲輸納之助也。始焉出示曉諭則疑其累而莫應。既焉夫冊已定復知其利而求充。分船定日使總差使之事也。奸黠者衆所共擯而彼則求充。謹厚者衆所共推而彼則求脫。此葦株連蔓引。慣事夤緣。關節應酬。日無寧晷。而成敗所關。難以曲徇。即人皆相諒亦恐遂成落落之名矣。

○一舊因船號夫籍銀數錯亂不齊莫能綜核。故收夫補糧等爲細事。游人色役輒自請求。求者既

志有所憑。予者復勢無所靳。相沿日久。習以為常。今一切清楚。絲毫皆有會計。而此輩一不如意。便起戒心。耳可得而聞。口不可得而言者。又不知其凡幾也。

○一事當更始。百務禁紘。左右近習。能保其無作姦犯科者。故不得操之以嚴。吾以為爲社鼠之祛。而彼固以為爲淵魚之察矣。

○一江濟先募新夫。蓋救時之一策耳。當時惟恐其不來。乃人心鼓動。爭先入冊。至有以楮筆遺該

衛官識者。而人或病職不行督責之術。嗟乎。投夫之人。所謂以耳視者也。方舊夫譁然欲散之時。而使新夫至。損容以求入轉移之機。言何容易。乃官識刀錐之細。而一切督責。使之無樂于此。則彼將倡言沮散。恐新夫褻足而逝。舊夫復脫巾而起矣。然委官賢否。自不能逃于歲終之去留。蓋參尺未嘗不在。而其事則人所未曉。其機又不可以語人。故曰難也。

○一中官未知典故。以快船審甲。為

國初事也。偶因驗裝會于公所。見其衣領之式。謾問之曰。內庭制如此乎。諸璫競云。此

聖祖舊制也。請君亦改之。職曰。吾所改者。正謂其變聖祖之制者耳。因備為道狀。群璫語塞。

○一新法政在洵洵。而

朝庭忽有額外之供。一最無狀者。趨謂中璫曰。舊船先期且盡。新船矣。能遽辦。況今不便者。方各為計。此法必不成。俟船不應差時。借阻乏上供為名。彼無死所矣。職若弗知者。即

堂翁前亦不相聞。蓋恐聞而氣阻。則群小得以測其機耳。惟晝夜經理。委曲調度。乃至舊船盡時。新船已蚤備矣。得揆之先。密詢守備。大璫之親信者。使以事勢利害。反復曉諭。大璫感悟。已復白。

傳堂翁備陳更張之故。及所以折難之詞。乞往諭大璫。以堅其心。

傳翁慨然命駕。悉如職言。大璫唯唯。次日乃撥新船。又次日而領差中璫。往見大璫。欲集衆詣

職論辯而後行。大璫叱之曰。若何為者。京軍父
不堪命。一旦思變禍且不測。部司今日所為。是
福我也。且事事奉

旨。款款周詳。若將何以措其詞耶。若即往。彼豈畏若
等者。速退。無賈禍。吾不與若等事也。自是群璫
始帖然矣。

此法之行上益

國家下濟軍民。蓋人人稱慶。而怨懟之人。則亦已多矣。故各為詞以解之。并記于此。凡十條

○一中貴分例。快船多而馬船少。故俗名馬半邊。謂其止得快船之半也。今皆減少。豈能什然。不知近年以來。快船之人。皆雇覓棍徒。或中途脫逃。或損壞船隻。反將人命告賴。內官者。屢屢有之。可以詐騙者。十不二三。則欲求半邊而不可得。

反不如今之為妥也。且廷臣官臣俱當以君父之念為念。

皇上愛恤軍民。廷臣竭力經理。而官臣可專畜索詐乎。又聞中貴多供佛求福。又豈可苦剥窮軍。以造來生罪業耶。若謂舊例不可變。則請復。

國初倉軍駕運尅日到京之制。

○一裁革委官六十二員。每員隨伴人等。各不下拾餘人。動以千計。又革江濟食糧總識伴當。米拾陸名。又革各衛識字貳百餘名。此輩每年陰盡。

何止萬金。貳百年利源。一旦塞之。亦人情所不堪也。然人生天地間。何往不可自食。而必于船事乎。各官如有才能。別處自可委用。各役若能守分。別處亦可資生。必吮咀窮軍之膏血。是何無策之甚乎。今各官皆痛恨不已。職則以爲未必非福也。蓋造修委官。原無上進之路。其捐貲鑽求。以畝委用者。志在得財耳。然部司每年考効去留。常有不足以酬其所費者。即倖留用。而廠衛之科派。上官之差遣。科房之需索。錢縻于

酒食。用陪于僕從。常見委官。皆衣冠不備。未聞其有肥家潤身者也。即別無委用。而優游世祿。豈不更為愉快耶。

○一衛所之於快船。猶其良田之負廓者也。咸望其入。以資百用。而今皆無望。能不快快。然各官世受

國恩。不能勉奮報效。而徒剝削窮軍。以為利。是尚謂有人心乎。且往者部司有比較之煩。各軍有反噬之毒。今上下恬然。豈不快也。況宗族親戚。

累于快船者甚多。徒以一己之微利。而不忘親族之積患耶。料賢者必辯于此矣。

○一各廠把總及委官。以修造買木為利。今皆減少。以為不便固也。然把總官階亦尊。選擇而使。宜以事簡無誤為樂。豈宜計微利以自苦。若委官尚得留用。視之裁革者。相去何如。正宜益加勉旃。恪守職業。安得更起怨尤。為他人所笑乎。

○一快船書辦。缺銀數百。此外凡在車駕司者。亦一二百金。合司皂隸。頂首銀皆六十餘金。所倚者。

船政也。而今皆無望。宜其怨矣。然爾等獨不為子孫計乎。使快船之害不除。爾等今日倚此以剋剥窮軍。後世子孫當有為人所剋剥者。快船之害既除。爾等今日無橫財。子孫亦無橫禍矣。諺云。公門好修行。此語尤有意味。書辦僅足資生。皂隸皆有工食。是亦足矣。必欲快意以積罪業乎。世曾見公門人非義之財。有能成家受用者耶。

(一) 各衙門人役。向皆竄名夫籍。空虛官錢。莫可究

詰而今一切清汰。又聽事多者減銀貳兩伍錢。少者減銀伍錢。而本司四廳皂隸因不提大馬船。恐工食無措。疑然交至。誠所宜然。獨不思

朝廷錢糧原非爾等應得之物也。豈可以不得冒濫為恨耶。聽事人役向雖工食數多。然事體未妥。今則永久不變矣。且優游衙門。視之修船出差者。相去何啻倍蓰。試增爾之銀。而使之當差。爾其願之乎。要之充夫已擅船中之利。聽事尤擅夫中之利者也。爾輩豈不自知。若四廳皂隸

工食悉為議處。更得實支視前日為較勝矣。

○前站經手。向視快船小兒。如杌上之肉。恣其噬啖。而無復顧忌。今皆不可得。其恨固宜。然爾等不耕不織。竄入中貴之門。憑藉兇頑。肆為非法。不知惡業既重。天殃必深。且人生勤動終年。衣食尚不能給。爾等鮮衣美食。揚揚人前。亦既足矣。乃猶無厭。必至於大禍臨身。而後悔乎。

○各處商人販賣杉木油麻。輒以衙門為外幣。貨不論美惡。價不論高低。但求一津。要人情。即盡

數收買。從高定價。牙保舖戶。相倚為利。而今乃一洗而清之。能不切齒。然以有易無。因本生息。是古今常道。未有無故廢官錢。以市私恩者也。今所清理者。非虧爾等之本。而困爾之生也。應用則收買。應買則予直視之市價。猶或贏焉。且需索刁難之弊。業已盡洗。爾輩如有留易。視前為更便矣。

○一富家巨室。及書庫有力之人。向多預借夫銀。臨放扣息。歲得子錢無算。今弊實已絕。寧無恨心。

然人生自有本等經營。未有使人借債而自啗其息者也。爾等家有贏錢。他道皆可以生息。放私債而扣官銀。獨不聞律例乎。

○一快船有力者。向多寅緣交結。或竄入衙門。未經編有差使。今一槩派丁。宜其不以為德也。然今派丁者。即壹人拾丁。歲不過出銀叁兩。若以交結所費。寧止于此。而且時時有四顧之慮。乃今則高枕矣。竄入衙門。冀免者。差患耳。今所派甚微。而且世世無患。以彼較此。不相天淵矣乎。

○一各船包攬之徒。衣食所藉。今船既裁減。而夫皆催募。資身若無策矣。然船雖減。而每年差數不缺。見今召募水夫。即可校充。且他人充夫者。又皆轉催。慣識風水之人。則爾輩仍可往也。在今日。則利本不失。而在後日。則子孫世世永無板差之患。此正爾輩之福。而反怨望耶。若曰。往日包攬政。欲爲縣閔翻覆之計。以肆詐害。此則殺人于貨之心。而可以不得遂爲恨乎。

○一快黃船差。向同患害。今快船在春臺之上。而黃

船尚在水火之中。爾等未嘗學問。忌成倖敗。固情所宜然。官各有守。非其職而題

請。已賈群小之怨矣。又豈能越俎而治之乎。且黃船之數。不及快船之拾壹。而人情事體。雖易較然。快船事成于前。則黃船可徬于後。况已經題

請。必無獨寢之理。正宜共爲休戚。寧可遽分兩家。但快船之害。人人所見。而黃船則獨累幫甲。正甲反藉爲利。故間有爲兩可之說者。此在爾等宜

○一各省直解官解戶。是積書保家之魚肉也。一日而革保家。陸拾餘名。使書手空勞于筆劄。心非巷議。情固宜然。但戕之意。則以為最宜革者。莫如工料分司之弊役也。蓋別役詐人而取其財。猶為有所事事。工料之完欠。在正官。於解役何與。千里而來。無端召保。內則書手。外則保家。扶同恐赫。刁難挾詐。而官司故示遲留。以為群小之資。此何為者哉。

○一各役所借年例銀兩百餘兩。事經多年。而冊籍

已漸埋滅。此皆視之爲囊中物。而一旦查還。庫子工食。又經裁減。似乎不堪矣。獨不念侵盜有重律乎。使後終發覺。則爾等當何如。今還其本無之銀。而免其應有之罪。猶爲未厭耶。南京庫役無不貪緣。校充未聞有糧賞工食者也。肆年之內。壹年應役有糧賞。有工食。叁年空閒。止無工食。而尚有糧賞。取耶。儉耶。爾等肯以工食之。遂棄之不克。而甘心于船差否乎。

黃船續集

黃船已奉欽依而莫之或行故臺中復有疏

請

南京陝西道監察御史臣陳奇謀謹

奏爲

留都船政新成人心鼓舞乞遵

明旨擴

仁恩以隆

聖治事竊惟更化善治者帝王經世之術因事效力者人臣報國之忠是故上有明聖之君則下有忠懇之士上有辨賢之典則下有任事之臣自

古百職熙而世治康率由此道也。

留都根本重地而軍衛十居其八二百年來流離顛沛而勢不可支者則船差之爲害而已矣臣奉

命巡視京營又直驗裝船隻故於軍人船差事知之頗詳而又知其繫於

國家者甚重要之快船患害爲最而黃船則當其十一焉然人有衆寡害有大小而莫非

皇上之赤子也但快船審甲造修撥差皆由南京兵

部黃船則審甲由兵科。造修由工部。而撥差由外守備。查得先該南京兵部右侍郎顧章志奏爲特陳京軍最要疾苦懇乞

聖恩亟賜蘇息以溥

德意以召

天和事。要將快船更改。而黃船則轉行該衙門一體行事。該兵部覆題奉

聖旨。各衛快平船隻小甲。既言累京軍。這免審編銀。及減省船隻等項。俱依擬欽此。

綸音甫下。凡積害望蘇之衆。真如大旱之望雲雨。而
縉紳之士。則相顧吐舌。以爲事之極難而成之
必不易者。隨該原任南京兵部尚書傅

特

舉其所屬主事倪凍。坐名題

請。專任責成。是時監局官員。千般恐嚇。廠衛員役。百
計阻撓。前後左右。伺間動搖。市棍積猾。生情簸
弄。此臣等耳所聞。目所見也。又快船與馬船相
無撥差。事須悉行更始。而規模制度之間。動輒
窒礙。至其積習之敝。多端尤爲掣肘。乃本官以

身承之殫精畢慮。有逾壹載。事已就緒。見今羣
小無所逞其謀。監局無所藉其口。自都城而外。
以及於廬。鳳。淮。揚。邳。滁。和。泗。太平。安慶。鎮江。柴
府。肆州之地。凡隸軍衛之家。無不焚香籲天。荷
皇上好生之德。父老至有泣下者。此其爲船政之良
法。可知也。臣按京營。見往年抽掣軍丁。已多歸
伍。及查撥船。又見出差船隻。視昔更便。臣又面
會原任南京兵部尚書。今任尚書陰。詢
其會計銀米之數。僉言視舊更爲節省。然則天

下無難事。亦有志者竟成耳。今黃船之數。不過快船之十一。況與別船。不相干涉。其間事體。則人人能言之矣。所稱難易。豈特千百之一二哉。且監局之意已平。上下之謀已協。在快船有已成之規。而黃船切奚後之怨。又先經題奉

欽依。因勢而利導之。未有便於此者也。今各甲投控各衙門。欲照快船事例。奔走街衢。哀號涕泗。而曾無一人肯任其事者。往云視快船之成敗。以爲行止。今快船成效如此。而又奚視耶。推其所

由。蓋以利害勞逸之間。人所顧避。而因託詞於
事權之不一耳。查得監局官員。討取黃船。皆移
兵部。該部酌定船數。轉行外守備照撥。而季終
又係兵部。

奏報。則外守備之撥差。本無關係。而弊則由此以
生。是不若歸併兵部。自撥自報之爲便也。其餘
事體。以錢糧爲重。而造修錢糧。原出工部。豈宜
自諉。合無責令堂上官。推司屬之賢而有才者。
壹員。坐名題。

請專董其事。一應事例悉照快船其審甲一節仍聽部科會議歸一。果有因革異宜不妨隨機酌量。事成之日准與紀錄量行優叙毋使任勞任事之臣反出優游自逸之後則事有專責而人懷勸心矣。夫此船政之敝乃貳百餘年之積習而軍衛至拾餘萬戶之紛紜倪凍纔一建議其事即應手而成況今跡其已行之緒而補其未行之缺勢固甚便且事係一體亦安得舉甲而遺乙利此而棄彼也。不然快船已盡蘇息而黃船

困累如前。臣復不言。豈所以仰承

皇上無不覆幬之仁哉。伏乞

勅下兵部。再加查訪。如果臣言不謬。覆議上
請。恭候

命下。備咨南京工部。將黃船事宜。悉聽經理。仍選司
屬之才賢者壹員。專董其事。功成之日。准與紀
錄。量行優叙。更乞

天語嚴戒。監局官員。以後出左。不許貪圖小利。需索
各船水夫分例。以致貧人受困。則善政可垂於

不朽而

聖治益隆於無疆矣。緣係

留都船政新成。人心鼓舞。乞導

明旨。擴

仁恩。以隆

聖治事理。未敢擅便。謹具奏

聞奉

旨。兵部看了來說。欽此。

兵部爲

船政新成。人心鼓舞。乞遵

明旨。擴

仁恩。以隆

聖治事。該本部題車駕清吏司案呈奉本部送兵科
抄出南京陝西道監察御史陳奇謀奏云奉

聖旨兵部看了來說欽此欽遵抄出到部送司卷查
原行事理相同案呈到部。看得南京陝西道御
史陳奇謀奏稱快船審造修撥差皆由南京
兵部黃船則審甲田兵科造修由工部而撥差

由外守備。今快船既經題奉

欽依。委官專理。蘇息京軍。已有成效。黃船小甲。欲照快船事例。歸併兵部。自撥自報。其造修錢糧。原出工部。責令堂上官坐名題

請。司屬官一員。專董其事。一應事例。悉照快船。而惟於審甲。則仍聽部科會議。併戒出差各監局官員。不許需索船甲分例。以蘇黃船困累。各一節。爲照船政之積弊已久。軍困已極。黃快二船。名雖不同。而事體則一。今快船既經題奉

以旨專任經理已有成績獨黃船尚稱困累委應議處所據南京陝西道御史陳

國擊其弊條

議前來欲因已行之緒而補未行之缺誠一體恤軍之意但事在彼中遞難定擬應行查議候

命下本部移咨南京兵部會同工部備查黃船之撥向由於外守備者有無關係據奏弊由此生何以禁革若兵部歸併差誤工部專官造修審甲部科會議果否長便將奏內事情逐一會議停

妥務在酌量經久可行徑自具奏以憑覆

請定奪施行等因。萬曆十五年八月二十三日本部

尚書王 等具題本月二十五日奉

聖旨是欽。此欽遵抄出到部送司。案呈到部擬合就
行。爲此合咨前去。煩爲查照本部題奉

欽依內事理。欽遵施行。須至咨者。

南京兵部尚書臣陰 等謹

題爲

留都船政新成人。心鼓舞乞遵

旨機

仁恩以隆

聖治事。車駕清吏司案呈奉本部送准兵部咨

云云

到部送司。奉此理合案呈施行等因到部。該臣查得南京馬快平船共玖百肆拾隻。已盡更張而扁小黃船止肆拾陸隻。尚未經理。先該原任本部尚書傅李欲行而未果。及臣初至本部。亦欲議題而未發者。誠以職掌所關。不可得而越耳。備查黃船職掌。造修屬南京工部。

而審甲撥差皆屬外守備。後因審甲弊多。至嘉
曆柒年。該南京兵科給事中王良心奏將審甲
聽該科會同御史壹員。轉行應天府江防廳。編
審造冊。而撥差一節。仍由外守備。顧勲府重臣。
勢難親理。而一切員役。沿習爲姦。正如御史陳
竒謀所稱。撥差雖無關係。而弊則由此以生者
也。先該本部原任右侍郎顧 奏爲特陳京
軍最要疾苦懇乞

聖恩賜蘇息以溥

德意以召

天和事。乞將快船審甲改爲丁銀。而黃船則聽行該衙門一體行事。奉

旨。欽依。復該原任本部尚書傅 題委原議主事

倪凍專任責成。將馬快平船通行經理。見已完妥。黃船各甲。因苦于衙門之多。而又見快船之便。具告通狀。并訴各該衙門。求併于本部船政分司。但工部原有註選黃船主事壹員。職係專管。故御史陳奇謀題乞歸併于工部者。蓋遵職

掌體民情之至意也。該臣會同南京工部署部
事南京戶部右侍郎方弘靖南京兵科給事中
杜康議得。審甲改爲編銀。則派編者兵科職也。
而催徵銀兩。該科又難于兼理。黃船既有註選
則修造者工部事也。而調度官軍。該部亦有所
不便。至於各甲皆願比照快船事例。而中間事
勢亦難盡同。快船每隻工食米價。通計應派銀
貳百餘兩。而今所派止叁拾兩者。則因馬快船
隻數多。而事又歸一。故得以通融調度。清查節

省使之足用。黃船數少。而事又分屬。則通融查
省。將安所施。况天無江。應止用夫壹拾陸名。而
黃船比之。則多無算。若通船僱募。銀米之費。計
貳百伍拾餘兩。且云船造修。皆出官帑。而黃船修
理。則係旗甲。尚須加派數拾金。是安可盡同也。
今准南京工部咨稱。據甲役何汝泮等。肆拾餘
名。呈稱。自願每年納銀叁千餘兩。則每船該銀
柒拾兩矣。然快船派銀叁拾兩。猶懼其不能完
納。黃船所派。復欲增于一倍之外。恐民力不堪。

他日之虞更大也。詔臣等委曲調停。當于必濟。除將派編丁銀仍聽兵部造修船隻。盡歸工部。外。其催徵之事。則本部義不敢諉。并調度軍夫。節省銀兩。臣已通行該司。覆議處分。俟安。大都。派徵之數。每船止伍拾兩。共銀貳千叁百兩。而有餘。應役之人。亦已取具認狀文冊在卷。緣事體煩瑣。敬陳爲十款。開列具

題伏乞

聖裁

勅下兵部再加覆議上

請恭候

命下移咨到臣轉行各該衙門一體欽遵施行則臣等幸甚軍民幸甚緣係

留都船政新成人心鼓舞乞遵

明旨擴

仁恩以隆

聖治及奉

欽依會議停妥務在酌量經久可行徑自具

奏以憑覆

請定奪事理。臣等未敢擅便。為此開欵具本。專差千

戶顧英選齎捧謹題請

旨。

計開

一曰分大小黃船之差。照得黃船原有大小貳項。大黃船壹拾伍隻。拾年伍差。歲計柒差有半。不爲煩苦。而每船原有駕軍叁拾名。無食補餘丁之害。故今皆仍願照舊。不在更張數內。所更張

者止小黃船肆拾陸隻耳。但彼此混淆。以致姦徒作弊。不可縷指。若將杠櫃輕差。專屬大黃船。又減去半差。每年上差米次。則既任其輕。又樂其簡。大黃船軍役。皆忻然感悅。而小黃船亦不受其所混矣。如後遇有額外加差。則小黃船加過叁次。大黃船方加壹次。乃爲適均。伏乞

聖裁。

二曰減太常寺官之差。照得小黃船差使。向稱拾年捌次者。蓋因經管員役。扶同作弊。賄放姦富。

之家。而將各衛正軍。及僉補餘丁。暗行差撥。其
應役者。但總計拾年之內。出差捌次。相沿日久。
竟莫覺其弊端之所在耳。今該本部備查奏報
卷內。每年內守備貳拾捌差。太常寺米差。共叁
拾伍差。除大黃船米差外。止餘貳拾捌差。則肆
拾陸船。拾年止陸差有零耳。又查得太常寺。雪
梨。香橙。茭白。甘蔗。等差。名雖由船。管差者常恐
遠限。例於前途起旱。極稱不便。今該寺差官。皆
願即於南京由陸。若每差加給路費銀壹拾兩。

則既獲長途之資。而又免遠限之患。是肆差者。故可減也。見存貳拾肆差。而以肆拾陸船。分爲貳班。則每年貳拾叁隻。止少船壹隻耳。於拾年伍差之外。通融輪撥。所增無幾。而人皆樂爲之役矣。伏乞

聖裁。

三曰減駕船之軍額。照得小黃船駕運。舊例每船用正甲壹名。軍餘壹拾玖名。然往以各甲朋黨。故多壹人。則增壹八之補貼。今皆用銀僱募。故

少壹役。則省壹役之工資。備查本船輕重。與馬快船相同。止用壹拾陸人。已有餘裕。况舊用貳拾人。而拾年捌差。今用拾陸人。而拾年止有伍差。視昔更爲輕便。是財既可省。人亦不病其勞矣。伏乞

聖裁。

四曰處原駕之正軍。照得駕船人數雖減。而以壹船拾陸名論之。催募之直。所缺尚多。備查各衛有原駕小黃船食糧正軍。共貳百捌拾名。向皆

免其差擇。每月納銀貳錢。交委官收貯。名爲備用。而實則乾沒。今若盡催外夫。而使此輩出辦丁銀。則每年不過派銀貳兩肆錢。莫若將各軍勾開分隸各船之內。照船輪差。免其丁銀。則所免者少。所省者多矣。差回免其月銀。悉發寄操。照例休息。是各軍免于納銀。委官無所乾沒。而營伍不致空虛。非一舉而三利者乎。于中又擇其年力相稱者壹人。爲軍頭。本部給付批單壹張。使之約束各軍。查檢什物。此壹軍者。仍歲加

工食銀肆兩常川免操。則統率得人。而勞逸有辨矣。見取各軍認狀在卷。如出差之年。偶遇米賤。許照運軍事例。將月糧壹半。及所加行糧。俱支折色。則小人尤感德易使。而在官固不費之惠也。伏乞

聖裁。

五曰會計行糧之數。照得正軍以本役而免其丁銀。減其差數。固翕然應命矣。然用人之道。必使其資給優裕。而後法行可久也。備查小黃船舊

例每隻正甲軍餘共貳拾名。計船肆拾隻。共玖百貳拾名。每名遇差支行糧陸斗。合無再加玖斗。共壹石伍斗。使其月糧足以安家。行糧足以自給。則往返無內顧之憂矣。然向以甲餘玖百貳拾名。各支陸斗。而拾年捌次。共肆千肆百壹拾陸石。今止以正軍貳百捌拾名。各支壹石伍斗。而拾年伍次。共貳千壹百石。軍利幾于叁倍。而公廩所省。則過半矣。伏乞

聖裁。

六日酌量應募之直。照得各船正軍處之誠無容
議矣。然每船所派僅僅陸采名耳。此外當募者
尚多也。使欲如快船之例。盡募外夫。將何以給
伏惟

國家定鼎燕臺。而東南貢運多用操軍者。

神謀遠慮。萬世所當法也。修舉而整飭之。豈特爲貢
事之利已乎。大黃船每隻用正軍叁拾名。悉出
水軍左衛。今水軍右衛軍數相同。比例用之。義
無不可。各船如遇出差。即于水軍右衛操軍補

數撥用。各軍原有月糧。不必再給。但每名給工食肆兩。亦免行糧。業已爭先應命。取認狀文冊在案矣。蓋快船召募外夫。不得不厚。黃船即用食糧正軍。可以從輕。差回一體撥操。原無曠役。遇差方給工食。亦無濫與。固不必泥快船之法。而貽不給之憂也。伏乞

聖裁。

七曰議接船之銀。照得各軍出差。固皆稱便矣。但錢入人手。雖良民不免妄用。而况貧軍乎。使厚

其往而不慮其回。非長策也。備查馬快平船將回之時。皆有官接銀兩。合無照例。每差議增官接銀壹拾兩。給軍頭收領。以備本船回南公費。而募軍工食肆兩之內。亦扣存壹兩。于回時補給。則不惟前後往來皆無缺乏。而即有姦狡之徒。亦顧其後而不敢肆矣。伏乞

聖裁。

八曰議修理之費。照得工部黃船職掌。開拾年成造。次日又相沿。止管成造。而一切修理皆各

軍自辦積困非一日矣。然該部儲蓄已漸空虛。而若欲使之盡出于官。其力恐有所不給也。今調劑之間。已多節省。即于徵完貳千叁百兩之內。扣銀叁百伍拾兩。助該部修理之費。見在船肆拾陸隻。兩年更番。歲修壹半。通融裒益。綽有餘饒。倘更不足。即照該部咨開抽分木植及地租銀內。量加賠補。則不加賦而用自足矣。伏乞聖裁。

九曰派編應照快船。照得先據各甲。告稱每船願

派銀柒拾兩。然若駕船盡用募夫尚不足。催直
叁分之壹。今調度節省。通計催募修理接船。及
太常寺道官路費。止編伍拾兩而已足矣。但先
因審甲。有正戶幫戶之不同。是差有重輕。法宜
詳慎。故必行應天府江防廳。會同該衛編審。方
送科道。會同參酌。今已改爲編銀矣。止是各役
自相派認。該衛亦無所容其私。况編派與催徵
相關。若再行別委。恐反致藉口互異。合無悉照
快船事例。徑行該衛。召集原認舊役。公同派報。

取具各役及收解結狀造冊壹本各先呈送兵科叅酌停妥復送船政分司填註由票庶事簡而人便矣伏乞

聖裁

十曰撥差應併兵部照得審甲改爲編銀撥差已無他弊矣但各衙門取討黃船皆行文本部查定隻數轉行外守備點撥而本部季報又轉行該衙門查明附奏徃反多端深爲不便合無照御史陳奇謀所請歸併本部船政分司將見在

船隻照前議派定軍頭管領具造書冊遇差序
撰季終一併奏

聞其黃船廠官亦徑由本部選補則事簡而權一矣
已上處分已頗周悉至于一切條約款目尚多
難以一一瀆煩

天聰太部見有船政事例書冊開載甚詳雖黃船事
簡不及馬快平船之百一然其間事有相類者
所宜悉照施行務在省事安民釐姦革弊輸納
者自丁銀之外無復他擾應差者自駕運之外

無復他勞。則良法永垂于不朽。而

聖治益隆于無彊矣。伏乞

聖裁。

兵部爲

留都船政新成。人心鼓舞。乞遵

明旨。擴

仁恩。以隆

聖治事。該本部題車駕清吏司案呈。奉本部送兵科

抄出南京兵部尚書陰

等題前事等因。奉

聖旨兵部知道欽此欽遵抄出到部送司案呈到部
看得船差之爲旗甲害也久矣。賠累已極。勢不
可支。邇者快船盡數更張。大愜來蘇之望。而黃
船獨未經理。不無向隅之悲。今據尚書陰

等因御史陳

所條陳者。會同各該衙門覆

行酌議。條爲拾款。具題前來。其間體恤軍甲。劑
量事情。委曲誼盡。得行之永久。而無所阻撓。則

船政一新。

聖恩普洽。凡此軍衛積困之衆。盡如赤子而衽席之。

夫相應開立前件議擬覆

請恭候

命下本部咨南京兵部轉行各該衙門一體欽遵
施行等因。萬曆拾陸年叁月初陸日。本部尚書
王 等具題。本月初捌日奉

聖旨。黃船輪差還着南京兵部會同守備衙門照次
定撥不許縱容下人需索阻撓其餘俱依議行以
蘇涼軍疲困欽此欽遵抄出到部送司案呈到部
擬合就行爲此合咨前去煩爲查照本部題奉

欽依內事理。欽遵施行。須至咨者。

計開

一曰分大小黃船之差

前件臣等看得黃船既有大小。撥差亦當分屬。若彼此混淆。姦弊滋起。據議前因。誠爲有見。相應依擬。合無咨行該部。查將大黃船壹拾伍隻。專撥扛櫃輕差。每年米次。而小黃船則分屬別差。不使相混。其額外加差者。必小船加過叁次。大船方加壹次。務要苦樂適均。不至推諉悞事。伏

乞

聖裁。

二曰減太常寺官之差

前件臣等看得公差既有定數。則撥船當有定次。經管員役。乃一向暗行差撥。作弊多端。委非事體。擬議欲除大黃船米差外。其餘貳拾捌差。減去太常寺肆差。將小黃船肆拾陸隻。分爲兩班。通融爲兩年膏差之法。永杜其拾年捌差之弊。相應依擬。合無咨行該部。查將雪梨。香橙。茭白。

甘蔗肆差委官。加給路費銀拾兩。徑於南京起
旱。免撥船隻。而以輪年貳拾叁隻之船。聽撥貳
拾肆差之用。外少壹隻。挨次撥補。要之人樂爲
役。自經久可行。伏乞

裁。

三曰減駕船之軍額

前件臣等看得駕船軍數之多少。一視船隻之輕
重。況用銀雇募。與朋當不同。尤宜從省。據議應
減名數。無非節用至計。相應依擬。合無咨行該

部。照馬快船例。每黃船止用軍壹拾陸名。毋再
多募。財既可省。人亦樂從。伏乞

聖裁。

四曰處原駕之正軍

前件臣等看得

國家養軍。在體恤其情。以備一時差遣。非爲月銀
丁銀也。若有軍不用。而令之納銀。在募外夫。委
爲未便。據議欲以原駕正軍。分隸各船。照帆船輪
差。差回發操。誠所謂一舉而三利也。合無咨行

該部將各軍悉依原議調度。而月銀丁銀。槩免輸納。仍立軍頭臺名。歲加工食肆兩。常川免操。使約束衆軍。查檢物件。各軍如出差之年。偶遇米賤。將月糧一半。與外加行糧。俱支折色。以卹其私。庶幾悅以使民。民忘其勞矣。伏乞

聖裁。

五曰會計行旅之數

前件臣等看得小黃船軍甲。每名支糧陸斗。此舊例也。但遠涉風波。軍有饑色。資給不贍。內顧是

憂。據議欲爲增給行糧。無非體恤至意。相應依擬。合無咨行該部。每軍於陸斗之外。再加玖斗。使資用優裕。往返無憂。且向也軍多而拾年捌次。雖支陸斗而費至肆千肆百餘石。今也軍少而拾年伍次。則雖加玖斗而僅用貳千壹百石。是名增而實減。雖惠而不費矣。伏乞

聖裁。

六曰酌量應募之直

前件臣等看得貢運用軍。爲慮實遠。水軍撥用。有

例可行。今計每船止軍。僅陸米名。則欲足壹拾陸名之數。不容不募。而外夫之募。又苦計費之難。據議欲將水軍右衛。比例差撥。誠通融調度之法。應如所議施行。惟用水軍右衛之軍。未有的數。見今應命承認者。如係常直船役。則應藉有定名。如或輪流差撥。則應約爲定次。其出差之時。止給募直銀肆兩。不給行糧。差回即發收操。仍聽該部審察而酌行之。蓋初募以所本無之役。則宜預體其所不便之情。伏乞

聖裁

七曰議接船之銀

前件臣等看得駕運官軍當使往來足用。若厚其往而不慮其回。委非其策也。據議欲增處銀兩。量扣工食。於回時接濟補給。其于人情曲而盡矣。相應依擬。合無咨行該部。准照馬快船例。每差增官接銀拾兩。扣工食銀壹兩。給各軍頭收領。以備本船回南公費。則往來俱無缺乏。而貧軍之利賴不淺矣。伏乞

聖裁。

八曰議修理之費

前件臣等看得修理船隻本當給以官銀。向乃責諸各軍自辦。賠累久矣。據議欲將原徵銀內。扣剝助工部修理之費。其餘聽另項處補。誠所謂不加賦而用自足者。相應依擬。合無咨行該部。於徵元貳千叁百兩內。扣銀叁百伍拾兩。解發工部。將見在應用船隻。每年更番歲修壹半。倘更不足。不妨於抽分木植及地租銀內。量行處

補伏乞

聖裁

九日派編應照快船

前件臣等看得舊船舊審正戶幫戶故事繁而委官亦多。今既改爲編銀。則無庸紛紛別委矣。據議欲照快船事例。徑行該衛。使各役自相派認。誠爲簡便。相應依擬。今無容行該部。以後每船派銀伍拾兩。止令各該衛召集原認舊役。公同派報。取具冊結。送兵科酌議。俾妥該部分司。填

註由票照數催徵毋得再行別委以滋煩擾伏乞

聖裁。

十曰撥差應併兵部

前件臣等看得黃馬快船本同一體季報點撥本爲一事據議欲照御史陳奇謀所

請將黃船歸併該部自誤自報而黃船廠官亦由該部徑自選補蓋所以一事權而祛積弊也相應依擬合無咨行該部將見在黃船俱聽差撥仍

照馬快船例填給勘合。議定期到京。赴本部
投放。以便稽查。黃船廠官。亦由該部。徑自選補。
一體施行。伏乞

原缺